

ՈՒՇԱԳՐԱՎ ԷԶԵՐ ԱՐՅԱԽԻ ԳՐՉԱԳՐՈՒԹՅԱՆ,
ՄԱՆՐԱՆԿԱՐՉՈՒԹՅԱՆ ՈՒ ԶԱՐԴԱՐՎԵՍԻ ՊԱՏՄՈՒԹՅՈՒՆԻՑ
(1700-1736 թթ.)

Մ.Գ. Հարությունյան, ՀՀ ԳԱԱ պատմության ինստիտուտ



Սույն պատմափուլը հայ ժողովրդի պատմության մեջ բնութագրվում է բարդ և ծանր փորձություններով լի ժամանակաշրջան¹: Սույն ժամանակաշրջանի և, ընդհանրապես, տարբեր պատմական փուլերի հայկական արվեստի ճյուղերի ուսումնասիրությունը, հատկապես, կարևորվում է նրանով, որ հայկական մշակութային այդ արժեքների ներկայացումը (իրավական և պատմական առումով) հանդիսանում է կարևոր փաստ՝ հերքելու պարսիկ, ադրբեջանցի, թուրք, երբեմն՝ այլ երկրների ուսումնասիրողների այն վարկածները, որ Արցախի բազմաթիվ մշակութային արժեքները (հատկապես՝ Արցախի հյուսիսային հատվածի, որը հետագայում բռնազավթել է Ադրբեջանը) պատկանում են որևէ օտարի արժեքային համակարգին: Դրանք ստեղծվել են պատմական Արցախում՝ հայ մշակույթի անխոնջ ներկայացուցիչների կողմից, և, անշուշտ, համարվում են հայկական: Ներկայումս այդ արվեստի նմուշներից մի քանիսն ադրբեջանցի ուսումնասիրողները դիտարկում են որպես իրենցը, որը շատ սխալ կարծրատիպ է ադրբեջանական պատմագրության մեջ:

Հոդվածում անդրադառնում ենք հայկական արվեստի ճյուղերից գրչագրությանը, մանրանկարչությանն ու զարդարվեստին:

Գրչագրության կամ գրչության արվեստ: Գրչագրությունը (գրելու արվեստ է և ուսմունք գրության մասին)՝ որպես արվեստի մի ճյուղ, ստեղծվել է հին աշխարհում, և լայնորեն տարածված է եղել միջնադարում: Ինչպես նշում է Գ. Հովսեփյանը, գրչության արվեստն այն աշխատանքն է, որ դարերի ընթացքում կատարել են մեր ձեռագրական մշակույթի ներկայացուցիչները²:

Միջին դարերում եղել են գրչությանը զբաղվող և նրա մեջ մասնագիտացած հատուկ անձինք, որոնք կոչվել են «գրիչներ»: Գրիչներն իրենց, գրառումների մեջ, անվանում են «գծող», «ծաղկող», «մրող» և այլ անուններով³: Գրիչները, ձեռագրեր ընդօրինակելուց բացի, տեքստերի վերջում թողել են գրառումներ (հիշատակարաններ, հիշատակագրություններ), որոնցում նշել են արժեքավոր պատմական տեղեկություններ ձեռագրի արտագրության, հանգամանքների գրության վայրի, պատվիրատուի, ժամանակակից քաղաքական իրադարձությունների և այլ հիմնահարցերի մասին:

Ուսումնասիրվող ժամանակաշրջանում Արևելյան Հայաստանի տարբեր շրջաններում շարունակում էին գործել դեռևս միջնադարում ձևավորված հայկական գրչության կենտրոնները: Նրանց զուգահեռ բացվեցին նորերը: Արցախում հայտնի են՝ Գանձասարի (XIII)⁴, Դաղի վանքի (նաև՝ Դաղոյի, Սբ. Աստվածածին Կաթողիկե եկեղեցին՝ XIII), Խաթրավանքի (նաև՝ Խաթարի, Խաթայի կամ Խաթոյի), Գտչավանքի (հնում՝ Քթիչ, հետագայում՝ Կտիչ, Գտիչ, իսկ նոր ժամանակներում մեկիքանիստ Տող գյուղի անունով՝ Տող-գլխավոր եկեղեցին՝ XIII), Ս. Հակոբի (Խաչեն գետի աջ ափին, XVII դարում վերանորոգվել է), Ս. Ստեփանոսի (Ասկերանի

¹ 16-րդ դարի սկզբներին սկսված թուրք-պարսկական բախումներն ավարտվեցին 1639թ. Կասր ի Շիրինի (Կասրե-Շիրին) հաշտության պայմանագրով: Հայաստանը կրկին երկատվեց. Պարսկաստանին անցան Հայաստանի արևելյան մասերը՝ Գուգարքը, Շիրակը, Արշարունիքի մի մասը, Արարատյան դաշտը, Սյունիքն ու Արցախը, Վասպուրականի արևելյան հատվածը: Իսկ Օսմանյան Թուրքիային՝ Հայաստանի արևմտյան տարածքները:
² Մանրամասն տես Գ. Հովսեփյան, Հիշատակարանը ձեռագրաց, հ. Ա, Անթիլիաս, 1951:
³ Տես Ա. Արքայանյան, Հայոց գիր և գրչություն, Եր., 1973, էջ 301:
⁴ Տես Յ. Միսնյան, Ավանդակներ հայ դպրոցի և մանկավարժական մտքի պատմության, Եր., 1971, էջ 82:

շրջան՝ XVIIդ.), Սպիտակ Խաչ վանքի⁵, Ս. Հարությունի (Հաղորոթի շրջան-XVIIդ.), Շոշ գյուղի Ս. Ստեփանոսի (1655թ.), Ս. Գևորգի (Մարտակերտի շրջանի Ղազանչի գյուղում, 1671թ.)⁶, Ս. Աստվածածնի (Մարտակերտի շրջանի Կուսապատ⁷ գյուղում, 1686թ.) Երից Մանկանց վանքի (Մարտակերտի շրջան, Ջրաբերդի մոտ, Թարթառի վտակ Թրդի գետակի ափին գտնվող եկեղեցին, 1691թ.)⁸, Ջրակույս գյուղի Ս. Ստեփանոսի (Հաղորոթի շրջան՝ 1698թ.)⁹, Սուլթանեցիք, Շատախ, Սարդարի թալա գյուղերի, Շամքորի, Խաչքուլաղի եկեղեցու (1710 թ.)¹⁰ և այլ գրչության կենտրոններ: Սակայն, վերոնշյալ գրչատներում 1700-1736 թթ. գրված ձեռագրերից շատ քչերն են հասել մեզ: Հայ ժողովուրդը, իր ստեղծած ձեռագիր մատյանները թշնամիների ասպատակումների հետևանքով ոչնչացումից փրկելու համար, հաճախ դրանք թաքցրել էր աննպաստ պայմաններում, որն էլ պատճառ էր դարձել բազմաթիվ ձեռագիր գրքերի անդարձ կորուստների, մագաղաթե, թղթե, կաշվե և մետաղյա կազմերի քայքայմանը: Փրկված ձեռագրերից մի քանիսը ներկայումս պահվում են Հայաստանի Հանրապետության Մեսրոպ Մաշտոցի անվան Մատենադարանում:



N 9088-ի ներքո պահվող ձեռագիր մատյանը գրվել էր Սարդարի թալա գյուղում (Չակամ¹¹ գավառում): Այստեղ 1703 թ. գրիչ Արիստակես երեցի կողմից օրինակվել է դեռևս միջնադարում (14-րդ դարի վերջ և 15-րդ դարի սկիզբ) Գրիգոր Խլաթեցու (Ծերենց) խմբագրությամբ ձեռագիրը՝ «Հայամատուրք»-ը¹² (թերթ՝ 495, երկայուն, բոլորգիր): Ստացողները եղել են Եսային, Ոսկան տանուտերը և Մելքունը:

Հաջորդ ձեռագիրը պահվում է Ալափարսեցի Գեղամ Ալոյանի ձեռագրերում¹³: Այն գրվել է 1707թ. Շատախում (Գանձակ) գրիչ սարկավազ Ստեփանոսի կողմից: Ստացողը եղել է Արոն:

N 5143-ի ներքո գտնվող ձեռագիր մատյանը կոչվում է «Ավետարան»¹⁴ (թերթ՝ 303, երկայուն, բոլորգիր): Վերջինս գրվել է 1708 թ. Շատախում՝ գրիչ, ծաղկող, կազմող Ստեփանոս սարկավազի կողմից: Ստացողը եղել է տանուտեր Այգի Շատախեցին:

N 3813 ներքո գտնվող ձեռագիրը՝ «Հայամատուրք»-ը¹⁵ (թերթ՝ 497, երկայուն, բոլորգիր) գրվել էր Սուլթանեցիք գյուղում (նաև՝ Սուլտանե, գտնվում է պատմական Գարդման գավառում, ներկայումս՝ Ադրբեջանի հանրապետության Գետաբեկի շրջանում), Սարգիս և Վարդան գրիչների կողմից, 1709 թ.: Ստացողը եղել է Սարգիսը: Ձեռագրում արտացոլվել են հայ ժողովրդի պատմությունից առանձին դրվագներ: Ուշագրավ են ձեռագրի էջ 7-ում ներկայացված տեղեկությունները քրիստոնյաների՝ Հռիփսիմյան կույսերի մասին: Նշվում է, որ հայոց թագավոր Տրդատ Մեծն (սկզբնական շրջանում) իր անհավատության և Գրիգոր Լուսավորչին Խոր Վիրապում բանտարկելու պատճառով վարազի կերպարանք էր ընդունել. «...Գրիգոր յորժամ ելի Վիրապէն եւ եկն ի Վաղարշապատ քաղաք: Ամփոփեաց գնաշխարհս սբ. կուսանացն Հռիփսիմեանց եւ սկսաւ ուսուցանել զբանն կենաց ժողովրդեանն: ... Եւ թագաւորն Տրդատ

⁵ Տե՛ս Դիվան հայ վիճագրության, պր. 5 (Արցախ), Եր., 1982, էջ 187:

⁶ Նույն տեղում, էջ 90:

⁷ Տե՛ս Ս. Ջալալյան, Ճանապարհորդություն ի Մեծն Հայաստան, Մասն Ա, Տփղիս, 1848, էջ 180:

⁸ Տե՛ս Խաչիկ Ծ. վարդապետ Դատեան, Երկերի ժողովածու, Ս. Էջմիածին, 2007, էջ 35:

⁹ Դիվան հայ վիճագրության, պր. 5 (Արցախ), էջ 172:

¹⁰ Խաչքուլաղ անունը թարգմանվում է Խաչաղբյուր: Անվան ծագումնաբանությունը կապվում է համանուն աղբյուրի հետ: Տեղադրված է Արցախի հյուսիսային հատվածում: Ներկայումս՝ Ադրբեջանի Հանրապետության սահմանում: Տե՛ս Ս. Կարապետյան, Հյուսիսային Արցախ, Եր., 2004, էջ 233:

¹¹ Տեղադրված է Շամքոր գետակի ձախ, Կուր և Աղսու գետերի աջ ափերի և դաշտաբերանի մեջ: Երբեմն պատկանում էր պատմական Ուտիք նահանգին: Դասվում է Արցախի դաշտային կամ ստորին գավառների թվին: Ավելի ուշ՝ գավառի արևելյան կողմը սկսեց կոչվել Շամքոր, արևմտյան կողմը՝ Դազախ, իսկ միջավայրը՝ Չակամ անուններով: Տե՛ս Մ. Բարխուդարյան, Արցախ, Եր., 1996, էջ 15:

¹² Տե՛ս ՄՄ, ձեռ. N 9088:

¹³ Տե՛ս Յուզակ հայերեն ձեռագրաց մասնավոր անձանց, Բանբեր Մատենադարանի, 1980, N 13, էջ 299:

¹⁴ Տե՛ս ՄՄ, ձեռ. N 5143:

¹⁵ Տե՛ս ՄՄ, ձեռ. N 3813:



խոզակերպ ձեռովն անկեալ կայր առյոտս նորա զաւուրս կեսգիշերին ելանելոյ՝ի Վիրապէն ետես տեսիլ ահեղ եւ զարմանալի¹⁶...»: Ներկայացվում է նաև հայոց թագավորի՝ նախկին կերպարին վերադառնալու համար բժշկության հիմնական ճանապարհը. այն է՝ Խոր Վիրապի վանքից պետք է ազատ արձակել Գրիգոր Լուսավորչին¹⁷: Ձեռագրում ներկայացվում է սբ. Մարիամ Աստվածածնի առաքելության, հրեշտակապետ Գաբրիելի, ավետարանիչ Հովհաննեսի¹⁸, Հռոմի Դիոկղետիանոս կայսեր կամայականությունների, հատկապես քրիստոնյաներին հալածելու, բժիշկ Դոմեդիոսի գործած հրաշքների (բժշկության բնագավառում) մասին: Վերջինիս ջանքերի շնորհիվ մեծ թվով հիվանդներ են բուժվել (խոսքը վերաբերում է հատկապես Դիոկղետիանոս կայսեր հալածանքներից փրկվածներին): Վերջինս իր հիվանդներին միշտ հավաստիացնում էր. «...միշտ հավատարիմ մնալ քրիստոնեական հավատքին¹⁹»: Հիշատակության արժանի են նաև պարսից Հազկերտ թագավորի օրոք քրիստոնյաների հալածանքների²⁰, Գրիգոր Լուսավորչի կողմից քրիստոնեության տարածման, հեթանոսական տոների վերացման, քրիստոնեական տոների հաստատման²¹, սբ. Թադեոս²² և սբ. Բարդուղիմեոս²³ առաքյալների գործունեության, Սահակ Պարթևի²⁴, պարսից Շապուհ թագավորի ասպատակությունների²⁵, Հռոմի կայսր Հուստինիանոսի՝ հայերի նկատմամբ կատարած հալածանքների մասին տվյալները: Վերջինիս մասին նշվում է. «...Յուստինոս կայսրն հայոց հալածեաց զազգս հայոց ուղղափառ հաւատ ոյս յիշանութե իւրմէ՝²⁶...»:

Հետաքրքիր է Թադեոս առաքյալի աշակերտներից Եղիշե առաքյալի՝ Արցախ-Ուտիք աշխարհում (Աղվանից աշխարհում) ծավալած գործունեության մասին: Նշվում է նաև, որ նրա մասունքները պահվում են Արցախի Ջրվշտիկ կոչվող վանքում²⁷:

Պատմվում է Հռոմի Հուլիանոս կայսեր՝ քրիստոնյաների նկատմամբ ցուցաբերած վատ վերաբերմունքի²⁸, Մեսրոպ Մաշտոցի՝ հայոց գրերի ստեղծման²⁹, սբ. Գրիգոր Նարեկացու³⁰, Սմբատ Բագրատունու³¹ մասին:

Սուրբանեցիք գյուղում հայտնի է եղել նաև գրիչ Մխիթարը, որի ձեռքով գրվել են մի քանի ձեռագրեր³²: Հայտնի է 1671 թ. Եվա և Ոսկան ամուսինների պատվերով գրված ձեռագիր մատյանը, որի վերջին ստացողը եղել է Մելիք Սարգիսը՝ 1729 թ.:

Ուշագրավ է Գալուստ Շերմազանյանի անձնական հավաքածուի մեջ (N 27) պահվող ձեռագիրը՝ «Գիրք աղօթից և տաղք»³³: Այս ձեռագիրը գրվել էր Գանձասարում, 1713 թ.՝ գրիչ Յակոբ Երեցի կողմից:

¹⁶ Նույն տեղում, թ. 7բ:
¹⁷ Նույն տեղում, թ. 8ա:
¹⁸ Նույն տեղում, թ. 8բ-9բ:
¹⁹ Նույն տեղում, թ. 14բ:
²⁰ Նույն տեղում, թ. 16բ:
²¹ Նույն տեղում, թ. 22ա:
²² Նույն տեղում, թ. 24ա:
²³ Նույն տեղում, թ. 26ա:
²⁴ Նույն տեղում, թ. 41ա:
²⁵ Նույն տեղում, թ. 43բ:
²⁶ Նույն տեղում, թ. 49բ:
²⁷ Նույն տեղում, թ. 65բ-66ա:
²⁸ Նույն տեղում, թ. 89բ:
²⁹ Նույն տեղում, թ. 145բ:
³⁰ Նույն տեղում, թ. 248բ:
³¹ Նույն տեղում, թ. 295 ա:
³² Տե՛ս Ս. Կարապետյան, նշվ. աշխ., էջ 100-101:
³³ Տե՛ս Օ. Եզանյան, Գանձասարի հայերեն ձեռագրերի հավաքածուն, Էջմիածին, 1971, N 4, էջ 59:

Ուսումնասիրվող ժամանակաշրջանում գրչության կենտրոն է եղել Շամբորը³⁴: Այստեղ հայտնի է եղել գրիչ Սարգիս երեցի անունը, որի ձեռքով գրվել են մի քանի ձեռագիր մատյաններ: Մեզ հասած ձեռագրերից մեկը՝ «Ժողովածուն» (թերթ՝ 232, միասյուն, նոտագիր), գրվել էր 1717 թ., որի ստացողը եղել է Մխիթար Աղճուղալեցին³⁵: Բովանդակությունում հետաքրքիր են «Գրիգոր Նարեկացույ Մատեան ողբերգութեան», «Տեսիլ Բենկայ», «Աղոթք» (Բենիկ, Յովհ. Սարկավագ, Եփրեմ) խորագրերը կրող բաժինները: Հաջորդ ձեռագիր մատյանը՝ «Ժողովածու»-ն³⁶ (թերթ՝ 204, միասյուն, նոտագիր), գրվել էր նույն գրիչ Սարգիս երեցի կողմից, 1721թ.: Ստացողը եղել է Առաքել Գանձուցցին: Բովանդակությունում ուշադրության արժանի են հետևյալ բաժինները՝ «Գրիգոր Նարեկացույ Մատեան ողբերգութեան», «Տեսիլ Բենկայ Վանանդեցույ», «Աղոթք» (Բենիկ Վանանդեցի, Յովհ. Սարկավագ, Եփրեմ Ասորի, Մովսես Քերթող, Յովհ. Գառնեցի անանունք), «Մաղթանք առ Ս. Աստուածածինն», «Մանունք»:



Մանրանկարչություն: Մանրանկարչությունը կատարվում է ձեռագիր մատյաններում, որոնք արժեքավոր տեղ են զբաղեցնում հայ ժողովրդի մշակույթի բազմադարյան պատմությունում: Այն ներառում է գրչագիր մատյաններում արված գծանկարներն ու գունանկարները և գրքերի ձևավորումը՝ անվանաթերթեր, խորաններ, լուսանցազարդեր, պատմողական թեմատիկ տեսարաններ և այլն: Վերջիններս պատկերազարդվել են գուաշով (ջրաներկի մի տեսակ), ջրաներկով, ոսկով, արծաթով:

Տարբեր դարաշրջաններում բազմաթիվ հայ մանրանկարչական կենտրոններ ու գրչօջախներ են ստեղծվել Հայաստանում և հայկական գաղթօջախներում (Դրիմ, Իտալիա, Նոր Զուղա, Կ. Պոլիս, Կաֆա և այլուր):

Մանրանկարչության կարևորագույն և ուշագրավ դրսևորումներից է մատենական գեղանկարչությունը: Վերջինս արտացոլվել է ձեռագիր մատյաններում (ձեռագիր գրքերում): Արցախում ստեղծված ձեռագիր գրքերը տարբեր հատկանիշներով նման են պատմական Հայաստանի մյուս նահանգներում՝ Սյունիքում, Գուգարքում, Այրարատում, Վասպուրականում, պատրաստված մատյաններին:

Ուսումնասիրվող ժամանակաշրջանում Արցախում ստեղծագործող վարպետներն իրենց մանրանկարներում կիրառել են պարզ և դյուրին ըմբռնելի ձևեր: Նույն սկզբունքը պահպանվել է նաև մանրանկարների գունային ֆոնում: Հիմնականում մանրանկարներում օգտագործվել էին չորս կամ հինգ գույներ՝ կարմիր, կանաչ, կապույտ, մանուշակագույն, դեղին (ի դեպ նշենք, որ այդ գույների սկզբունքայնությունը եկել էր միջնադարից):

1700-1736 թթ. Արցախի մանրանկարչական արվեստում ուշագրավ են պյուժետային մանրանկարներն ու սրբերի դիմանկարները: XVIII դարի սկզբին բնորոշ մանրանկարները իրենց մեջ ամփոփել են տարբեր թեմատիկա: Իրենց հետաքրքրությամբ առանձնանում են «Ավետում», «Ծնունդ», «Սկրտություն», «12 առաքյալներ», «Հիսուսին տանջելը», «Խաչելություն», «Վերջին դատաստան», «Ավետարանիչ», «Անվանաթերթ Մատթեոսի», «Մարիամ Աստվածածին», «Կիսախորան», «Լուսանցազարդ», «Չարդագրեր», «Թռչնագրեր» և այլն:

Արցախի մանրանկարչական արվեստին առնչվող կարևոր նյութերը պահվում են Մաշտոցի անվան Մատենադարանի ձեռագրական հարուստ հավաքածուներում: Նշենք դրանցից մի քանիսը. N 9088-ի ձեռագրի՝ «Հայսմատուրք»-ի մանրանկարը հիմնականում «Լուսանցազարդ» է:

³⁴Տեղադրված է Շամբոր գետակի ձախ ափին: Գտնվում էր պատմական Ուտի (Ուտի-առանձնակ) գավառում: Գասվում էր Արցախի դաշտային կամ ստորին գավառների թվին: Տե՛ս Մ. Բարխուդարյան Արցախ, էջ 37: Ներկայումս այն գտնվում է Աղբեջանի հյուսիս-արևմտյան մասում:

³⁵ՄՄ, ձեռ N 1574: Տե՛ս նաև Յուզակ ձեռագրաց, Մաշտոցի անվան Մատենադարանի, հ. Ա, Եր., 1965, էջ 586:

³⁶ՄՄ, ձեռ. N 7008: Տե՛ս նաև Յուզակ ձեռագրաց Մաշտոցի անվան Մատենադարանի, հ. Բ, Եր., 1970, էջ 440:

«Բանբեր Մատենադարանի» պարբերականում հիշատակվում է Ալափարսեցի Գեղամ Ալոյանի ձեռագրերում³⁷ պահվող մեկ ձեռագրի մասին, որն իր մեջ ամփոփում է տարբեր թեմատիկայով մանրանկարներ՝ «Կիարիանոս և Ուստիանե», «Մարիամ Աստվածածին», «Գրիգոր Նարեկացի», «Հրեշտակապետներ», «Պողոս, Պետրոս», «Հիսուս», «Գևորգ Չորավար», «Ճակատագարդ» և այլն:



Իր ինքնատիպությամբ առանձնանում է N 5143-ի ներքո պահվող ձեռագիրը՝ «Ավետարան»-ը: Ծաղկողը եղել է Ստեփանոս սարկավազը, որի ձեռքով արվել են հետևյալ մանրանկարները՝ «Հիվանդներին բուժելը»³⁸, «Հիսուսին խաչելը»³⁹, «Տերունական», «Ավետարանիչ»⁴⁰, «Խորան»⁴¹, «Կիսախորան»⁴², «Լուսանցագարդ»⁴³:

N 3813 ձեռագրի՝ «Հայսմատուրք»-ի թեմատիկան իր մեջ ամփոփում է «կիսախորան»⁴⁴, «լուսանցագարդ»⁴⁵ մանրանկարներ:

XVIII դարի առաջին երկու տասնամյակներում ուշագրավ են N 1574, 7008 ձեռագրերի մանրանկարները: Երկու ձեռագրերի մանրանկարները եղել են «Կիսախորան» և «Լուսանցագարդ»:

Չարդարվեստ: Վերջինս համարվում է հայկական արվեստի հնագույն ճյուղերից մեկը, որը ձևավորվել էր դեռևս նախնադարում: Չարդարվեստի մոտիվները տարաբնույթ են: Ա. Մնացականյանը հանգամանորեն ներկայացնելով Չարդարվեստի մոտիվների ծագման ու գաղափարական բովանդակության հետ առնչվող հարցերի մեկնաբանությունը, նշում է, որ հնագույն ժամանակներից սկսած մարդիկ զարդարել են հագուստները, բնակարանները, տնային կահ-կարասիքը, գործիքները, մարդկային մարմինները, ձեռագրերն ու գրքերը, պատմա-ճարտարապետական զանազան հուշարձանները, գերեզմանաքարերը, նույնիսկ անասունների մարմինները, ծածկոցները և այլն⁴⁶: Հայկական Չարդարվեստում հիմնականում տարածված են բուսական և կենդանական մոտիվները:

Ուսումնասիրվող ժամանակաշրջանում Արցախում ստեղծված Չարդարվեստի նմուշներ են վերը նշված ձեռագրերում արված տարբեր Չարդարվեստի կազմերի վրա առկա են բազմաթիվ Չարդարանդակներ՝ կիսագնդիկներ, անկյունային և եզրային մետաղապատումներ, կողային պատվածքներ, արծաթյա խաչ, արծաթյա Չարդարանդակ, խաչելությանք, Տիրամոր դիմաքանդակով և այլն:

Այսպես, N 3813 ձեռագրում առկա են բաց գույներով Չարդարանախշեր⁴⁷, զանգակատուն՝ խաչը՝ գլխին⁴⁸, թռչուն⁴⁹, Չարդարանախշ՝ մեջը փոքր խաչ⁵⁰, մոմակալ⁵¹, խաչ՝ պատվանդանի վրա⁵², N 5143 ձեռագրում՝ թռչուն⁵³, Չարդարանախշ⁵⁴, տերև⁵⁵, ծաղիկ⁵⁶, ծառ⁵⁷ և այլն, N 9088

³⁷ Յուզակ հայերեն ձեռագրաց մասնավոր անձանց, Բանբեր Մատենադարանի, 1980, N 13, էջ 299:

³⁸ ՄՄ, ձեռ. 5143, ք. 5ա:

³⁹ Նույն տեղում, ք. 5բ:

⁴⁰ Նույն տեղում, ք. 15բ:

⁴¹ Նույն տեղում, ք. 10բ, 11բ, 11ա, 11բ, 12ա, 12բ, 13ա, 13բ, 14ա:

⁴² Նույն տեղում, ք. 16ա:

⁴³ Նույն տեղում, ք. 22ա, 23 բ, 24բ, 27ա, 28բ, 28բ, 33ա, 34բ, 35բ և այլն:

⁴⁴ Նույն տեղում, ձեռ. 3813, ք. 3ա:

⁴⁵ Նույն տեղում, ք. 267ա, 270ա, 271ա, 275ա, 276ա, 298ա, 305բ, 327բ, 331բ, 342ա, 375ա, 398ա, 426ա, 427ա, 427բ, 428բ, 450բ, 451ա, 451բ, 453բ:

⁴⁶ Տե՛ս Ա. Մնացականյան, Հայկական Չարդարվեստ, Եր., 1955, էջ 7:

⁴⁷ ՄՄ, ձեռ. N 3813, ք. 5բ, 8բ, 72բ, 73բ, 75բ, 80բ, 82ա, 84ա, 85ա, 86ա, 87ա, 99ա, 100ա, 109ա, 115ա, 120ա, 122բ, 124բ, 132ա, 147բ, 150ա, 151բ, 155ա, 161բ, 170ա, 173բ, 203ա, 213բ, 267ա, 270ա, 271ա, 203ա, 213բ:

⁴⁸ Նույն տեղում, ք. 7բ:

⁴⁹ Նույն տեղում, ք. 157բ, 165ա, 185ա, 272ա, 361բ, 386բ, 399ա, 404 բ, 459ա:

⁵⁰ Նույն տեղում, ք. 183բ:

⁵¹ Նույն տեղում, ք. 376ա, 379ա, 394ա, 435ա:

⁵² Նույն տեղում, ք. 401բ:

⁵³ Նույն տեղում, ձեռ. N 5143, ք. 18ա, 40ա, 45ա, 53ա, 55ա:

⁵⁴ Նույն տեղում, ք. 19բ, 20ա, 22ա, 27ա, 28բ, 29բ:

⁵⁵ Նույն տեղում, ք. 46 ա:

ձեռագրում՝ զարդանախշ⁵⁸, եկեղեցու գմբեթ՝ խաչը գլխին⁵⁹, մոմակալ⁶⁰, խաչ պատվանդանի վրա⁶¹ և այլն:

Ինչպես վերը նշվեց, զարդարվեստի մոտիվները արտացոլվել են նաև տապանաքարերի վրա: Զննարկվող ժամանակաշրջանում Արցախում զարդարվեստի գեղեցիկ նմուշ է Երեմիա կաթողիկոսի տապանաքարը: Այն մեծ և տափակ է, սպիտակ մարմարից, շրջանակներին շղթա-յաձև զարդեր, երեսին գեղեցիկ քանդակներ և հովվական գավազան: Տապանաքարի վրա գրված է. «Այս է տապան Երեմիա կաթողիկոսին Աղուանից, յագգէն Ջալալ Դօլին»: ՌՃԽԹ: (1700) թուին⁶²:



Իրենց ինքնատիպությամբ առանձնանում են Մելքիսեթ եպիսկոպոսի եղբոր՝ Մեսրոբի (1713, Ջրվշտիկ կամ Եղիշե Առաքյալի վանքում), մելիք Եգանի հոր՝ Գտչավանքի վանահայր Դուկաս վարդապետի տապանաքարերը (Տող գյուղի սբ. Հովհաննես եկեղեցում): Վերջինիս վրա կա հետևյալ արձանագրությունը. «Այս է տապան Մելիք Եկանի հայր Դուկաս վարդապետի, ով կարդայ ողորմի ասէ. թվին: ՌՃԿԳ: (1716)»⁶³:

Գեղեցիկ քանդակներ են արվել մելիք Բեգի (նաև՝ Պեկի) կողակից Շայամինի⁶⁴ (Ծար-Չառ գյուղի Սբ. Սարգիս կոչվող թաղածածկ մատուռի մերձակայքում, 1717, ԼՂՀ Քարվա-ճառի, նախկին՝ Բյալբաջարի շրջան), Խոճա Եվրինի⁶⁵ (Հին Մոխրաթաղ գյուղում, 1720, Մարտակերտի շրջան), առաջածորցի տեր Գրիգորի (1722), Մեսրոպ վարդապետի որդի տեր Սիմեոնի տապանաքարերի վրա: Վերջինիս վրա կա հետևյալ արձանագրությունը. «Այս է տապան տեր Սիմեոնի որդի Մեսրոպ վարդապետին. թուին ՌՃՀԲ (1723): Լուսահոգի մելիք Եգանն ձեռնադրել տուաւ եպիսկոպոս, կարգեց Կտիշայ վանիցն առաջնորդ, որ եկի հաստա-տեցի սուրբ աթոռսն ՚ի թուին հայոց ՌՃԳԶ -ին(1747) առ Աստուած փոխեցաւ. ով որ կարդայ մէկ բերան Աստուած ողորմի ասեն»⁶⁶:

Ուսումնասիրվող ժամանակաշրջանում մնանատիպ տապանաքարեր են տեղադրվել Գանձասարում (Միանաս վարդապետի, 1724), Հացի գյուղի մատուռում (Խմիշի որդու Սարգիսի, 1725 թ., ԼՂՀ Մարտունու շրջան):

Չարդարվեստի գեղեցիկ նմուշ է Աղվանից կաթողիկոս Եսայի Հասան Ջալալյանցի տա-պանաքարը՝ 1728 թ.: Այն մեծ և տափակ է, սպիտակ մարմարից, շրջանակներին շղթայաձև զարդեր, երեսին գեղեցիկ քանդակներ և հովվական գավազան: Տապանաքարի վրա գրված է. «Այս է տապան Եսայի կաթողիկոսին Աղուանից որ է ագգէն Ջալալ Դօլին: ՌՃՀԷ: (1728) թուին»⁶⁷:

Հետաքրքիր զարդարվեստի մոտիվներ առկա են Մելիք Շահնագարի տապանաքարի վրա (Ավետարանոցում): Այն սպիտակավուն է: Տապանաքարի մեկ երեսին պատկերված է սազ նվագող, դիմացը՝ երեք պարողներ, երկու ֆիգուր. մեկի ձեռքին հայելանման իր, իսկ մյուսին՝ կենաց ծառ: Մյուս երեսին՝ երեք հեծյալ և մի թամբած ձի, որի պատկերված է թռչուն: Տապա-նաքարի վրա գրված արձանագրությունը օղակաձև է. «Այս է տապան մելիք Շահնագարի որդի մելիք Յիսէին, թվ:ՌՃՁԵ: (1736): Ոգեմ զբանս գովեսգի ի վերայ մելիք Հուսէյնի, զօր գրեցի այս

⁵⁶ Նույն տեղում, թ. 67ա:

⁵⁷ Նույն տեղում, թ. 70ա:

⁵⁸ Նույն տղում, ձեռ. N 9088, թ. 4բ, 6ա, 12ա, 15ա, 18բ և այլն:

⁵⁹ Նույն տեղում, թ. 5ա:

⁶⁰ Նույն տեղում, թ. 38բ:

⁶¹ Նույն տեղում, թ. 43ա:

⁶² Դիվան հայ վիմագրության, սյր. 5 (Արցախ), էջ 65:

⁶³ Նույն տեղում, էջ 178:

⁶⁴ Դիվան հայ վիմագրության, սյր. 5 (Արցախ), էջ 222:

⁶⁵ Նույն տեղում, էջ 94:

⁶⁶ Ս. Ջալալեանց, նշվ. աշխ., Մասն Բ, Տփիսիս, 1858, էջ 258: Տե՛ս նաև Դիվան հայ վիմագրության, սյր. 5 (Արցախ), էջ 185:

⁶⁷ Դիվան հայ վիմագրության, սյր. 5 (Արցախ), էջ 64:

տապանի...»⁶⁸:

Չարդարվեստի գեղեցիկ նմուշներ են Արցախում գործող եկեղեցիների և նրանց շրջակայքում կանգնեցրած խաչքարերի զարդաքանդակները:

Իրենց հետաքրքիր քանդակներով առանձնանում են Շոշ գյուղի սբ. Ստեփանոսի եկեղեցու⁶⁹ (1712), Գուչա (կանգնեցրվել է տողեցի Սարգսի որդի Սայունու և նրա կնոջ՝ Հերիքնազի կողմից, 1717⁷⁰), Ջրվշտիկ կամ Եղիշե Առաքյալի վանքերի շրջակայքում (1728) տեղադրված խաչքարերը:



Резюме

Знаменательные страницы истории манускриптики, миниатюры и декоративного искусства Арцаха (1700-1736гг.)

М.Г. Арутюнян, *Институт истории НАН РА*

Таким образом, несмотря на трудный исторический период, искусство переписывания, миниатюрной живописи и украшения искусства продолжали развиваться в Арцахе в 1700-1736 гг.

Центры искусства переписывания в основном были сформированы в церквях; были известны церкви Св. Степанос (в районе Аскерана, XVII в.), Белый крест, Св. Арутюн (в районе Гадрута, XVII в.), Св. Степанос (в деревне Шош, 1655), Св. Георгий (в деревне Газанчи, в районе Мартакерта, 1671), Св. Аствацацин (в деревне Кусапат, в районе Мартакерта, 1686.), Ериц Манканц (в районе Мартакерта, 1691), Св. Степанос (в деревне Джракуйс, в районе Гадрута, 1698), а также церкви Султанецика, Шатаха, Сардар Тала, Шамхора и т. д.

Миниатюрная живопись (миниатюра) в основном была сделана в рукописях, которые хранятся в Матенадаране. Формы декоративного искусства были отражены в одежде, домах, инструментах, человеческих телах, рукописях, книгах, а также в различных исторических и архитектурных памятниках, могильных камнях.

Summary

Remarkable Pages of Artsakh Rewriting, Miniature Painting and Decoration Art History (1700-1736)

M.G. Harutyunyan, *Institute of History of NAS RA*

Thus, despite the difficult historical period, the art of rewriting, miniature painting and decoration art continued to develop in Artsakh in 1700-1736.

Centers of the art of rewriting were formed mainly in churches; there were churches of St. Stepanos (in Askeran region, XVII century), White Cross Monastery, St. Harutyun (in Hadrut region, XVII century), St. Stepanos (in Shosh, 1655), St. George (in Ghazanchi village of Martakert region, 1671), S. Astvatsatsin (in Kusapat village of Martakert region, 1686), Yerits Mankants monastery (in Martakert region, 1691), Stepanos (in Jrakuys village of Hadrut region, 1698), Sultanetsik church, Shatakh, Sardar Tala church, Shamkor and etc.

Miniature painting was mainly made in manuscripts, which are kept in Matenadaran. Forms of decoration art were reflected in the clothes, houses, tools, human bodies, manuscripts and books as well as in various historical and architectural monuments, gravestones.

⁶⁸ Բաֆֆի, Խամսայի սելիքությունները, Թիֆլիս, 1882, էջ 49: Տե՛ս նաև Դիվան հայ վիմագրության, սյր. 5 (Արցախ), էջ 149:

⁶⁹ Դիվան հայ վիմագրության, սյր. 5 (Արցախ), էջ 146:

⁷⁰ Ս. Ջալալեանց, նշվ. աշխ., Մասն Բ, էջ 258: